



Tras varios anos poñendo a andar varias das iniciativas de Nadal máis exitosas do panorama galego, en proxectos como "Papá Noel no teu barrio" do Concello da Coruña 2015, "Pequeno Circo de Nadal" de Rianxo 2016, 2017 e 2018 e Salceda de Caselas 2019, 2020, 2021 e 2022 e sobre todo "O Bosque de Nadal" en Viveiros O Piñeiro (Pontevedra) 2017, 2018 e 2019, 2021 e 2022 dispoñemos dunha ampla batería de propostas co aval de termos levado a ilusión a miles de nenos e nenas con ideas únicas e exclusivas para o Nadal.

Somos a compañía en excelencia do Nadal en Galicia, con varias propostas únicas como o noso **Apalpador Xigante** e a súa dona, a **Apalpadora Xigante**, os nosos "Trasnos do Apalpador", os nosos "Elfos de Papá Noël", o noso "Pequeno Circo de Nadal" ou novas propostas para este Nadal, como o **Hou Hou Hou Festival** ou a **Aldea Musical de Nadal!**



Quen Somos

Nelson Quinteiro Producións
EXPERIENCIAS EMOCIONANTES EN DANZA, MÚSICA E TEATRO
Páxina web: www.nelsonquinteiro.com
Teléfono de contacto: 647647404
Enderezo electrónico: nelson.quinteiro@gmail.com

Somos unha **compañía artística multidisciplinar** especializada na creación de **experiencias temáticas** a través da **danza, a música, o teatro de rúa e a animación**, especialistas en **cabaré e contidos para todo o ciclo festivo do ano**. Creamos propostas evocadoras, que abordan directamente os imaxinarios colectivos. Experiencias emocionantes que nos fagan vibrar, participar, e **celebrar a vida e a ledicia de vivir**.

En activo dende 2006, somos responsables da **programación, produción e comunicación** de propostas tan singulares coma o **Festival Galego de Cabaré** (12 edicións dende o 2006 ao 2021), **"Branças"** (Noite Internacional dos Museos da Coruña 2011, **Gharbo!** (Co-produción 2012 do Centro Coreográfico Galego), **Compostela Carpa Cabaret** (2009), **Portamérica Circo Cabaret** (2016), Festival **"O Bosque de Nadal"** en Viveiros O Piñeiro (Pontevedra) 2017, 2018, 2019, 2021 e 2022 **"Pequeno Circo de Nadal"** (Rianxo 2016, 2017, 2018 e Salceda de Caselas 2019, 2020, 2021 e 2022), **"Parranda & Trucks"** (Portonovo 2017 e 2018), **"Pequeno Circo de Entroido en María Pita"** (A Coruña 2017 e 2018), Festival **Cabaré Cabaré** (Pontevedra, 2021), **"Sanxenxo en Branco"** (Sanxenxo 2019, 2020 e 2023), entre moitos outros. (<https://www.nelsonquinteiro.com/proxectos>)

COLORÍN COLORADO

O Lugar onde habitan todos os contos

Festival O Bosque de Nadal

Centro Comercial Viveiros O PIÑEIRO

Nadal de 2022



Balance 2023

Despois dunha **campaña de Nadal espectacular**, con máis de **40 funcións** en concellos como Pontevedra, Poio, Salceda de Caselas, Muros, Teo, A Cidade da Cultura de Galicia ou Zas, enfilamos un 2023 cheo de propostas interesantísimas, como a **programación de Entroido** que organizamos para o Concello de Zas ou a participación nos Entroidos de Pontevedra, Ames, Barro ou Poio.

De seguido chegou a primavera, e tivemos un proxecto marabilloso da man do Ateneo de Pontevedra, poñendo banda sonora á conmemoración do **49 aniversario da Revolución dos Cravos**, e xuntando a máis de 300 persoas diante do Teatro Principal de Pontevedra con un cravo vermello na man e entonando o **Grándola Vila Morena**. Foi extraordinario!

Maio chegou cargado de cousas bonitas, como a presentación da Proposta **"Latitudes"** na Facultade da **UNED de Pontevedra**, ademais de participar no **Maio Vintage Market de Boiro** ou en **Lugo** co noso sempre aclamado **Pequeno Cabaret Infantil**.

En xuño chegoulle o turno ás Festas Patronais de **San Xoán de Poio**, para as que tivemos o inmenso privilexio de armar unha proposta única, a posta en marcha da primeira **Danza e Contradanza de Poio**, unha danza branca con pintura ao vivo e música tradicional e popular que chegou para quedarse.

Nos meses de verán, as nosas **propostas infantís** pasaron por A Pobra do Caramiñal, Allariz, Mondoñedo, Combarro, e levamos os nosos cabarés a Vilagarcía, coa proposta LGTBI+ **"Vilagarcía Diversa e Orgullosa"** ou a Pontevedra, coa estrea, no **Batalla de Flores 2023** das Festas da Peregrina do noso novo **"Cabaret Acuático"**, unha proposta que promete un verán 2024 cheo de auga, traxes de baño, toallas, sprays e bronceador co aires swing e vintage dos anos 20-30.

E seguimos! fechamos o verán coa proposta **"San Xenxo en Branco"** que abriu as festas patronais de San Xenxo e Santa Rosalía en Sanxenxo con cabezudos, música popular e moita ledicia.

¿Que mais? O noso **Fala-Me. Trad Cabaré** chegou recentemente a Culleredo namorando a un aforo completo, e collemos folgos para o magosto e Samaín, que chegará coa nosa **"Romería Zombie"** a Poio dentro do programa **"Tornar ás Táboas"** da Excma Deputación de Pontevedra.

¿Falamos?

FESTIVAL O BOSQUE DE NADAL
Centro Comercial Viveiros O PIÑEIRO
Nadal de 2019



PEQUENO CIRCO DE NADAL
Concello de Salceda de Caselas
Nadal de 2019



APALPADOR XIGANTE
Creación propia
Nadal de 2018 e seguintes

O noso elenco

No verán de 2023 a **Compañía Nelson Quinteiro** abriuse ao **novo talento** mediante a convocatoria dun proceso de casting de cara a fornecer de novos actores, actrices e bailaríns/as as propostas temáticas e espectáculos de cabaret, teatro de rúa e animación que soemos ter en carteira, e de cara a abrir un **novo ciclo** na nosa compañía.

Artisticamente, seleccionamos **perfis multi-disciplinares**, persoas con competencias artísticas e musicais e, sobre todo, de movemento, con un marcado carácter dinámico, empático e vocacional.

O **training permanente** é parte da rutina e natureza da compañía e requisito fundamental para formar parte da nosa compañía de danza, música e teatro. Soemos ter dun día fixo á semana de adestramento e ensaio, que se modula e incrementa en función das encomendas e calendario de traballo.

Grazas a esta constancia e permanencia amosamos **gran capacidade e versatilidade** para enfrentar as producións temáticas que non encargan ou que nos contratan, ou para deseñar propostas propias.

Ofrecemos un elenco xoven, motivado, alegre e entusiasmado, con perfís internacionais como os de Giovanni Peixoto (*Brasil*), Sibila Pujadas (*Argentina*), Marina Hurtado (*Venezuela*) ou Ana Pérez (*Galicia-México*), con outros galegos como os bailaríns André Adrio e Lucía Sueiro ou o músico e artista Miguel Ángel Glez Solla.

Ademais deste elenco sólido aglutinamos a un nutrido grupo de colaboradores/as entre os que atopamos aos bailaríns Iván Villar, Ricardo Fdez Louro, Ariadna Vázquez, artistas integrais como Alba Fernández Troiteiro, Adela Bértolo e Marta Quinteiro Villar ou músicos como o pianista Brais González ou o gaitero David Lorenzo, entre outros.

Entre todos/as eles formamos a Compañía Nelson Quinteiro, e podemos ofrecer un **catálogo tan emocionante e ilusionante** como o que tés entre mans.

¿Falamos?

APALPADOR XIGANTE
Creación propia
Nadal de 2018 e seguintes

Propostas



Nelson Quinteiro
PRODUCCIONES

Experiencias emocionantes en danza, música e teatro!

Rúa Beicamar 52 Campelo (Pilo) www.nelsonquintero.com (+34) 647 647 404



Apalpador e Apalpadora Xigantes

PASARRÚAS. ANIMACIÓN DE RÚA. CABALGATAS. VISITAS ESCOLARES

O Apalpador Xigante é un títere articulado de 3 metros de altura que fabricamos no Nadal 2018 en colaboración coa Compañía de Títeres Errantes de Burgos. Ao ano seguinte creamos a "Apalpadora Xigante", muller desta personaxe, do mesmo tamaño e un carácter tenro e entrañable, e de seguido, e grazas ás Subvencións ao impulso do sector escénico galego creamos os "Trasnos do Apalpador", elfos rústicos galegos axudantes destas personaxes.

As posibilidades que ofrecemos con estes bonecos van desde alegres pasarrúas acompañados con gaiteiros e cantareiras da música tradicional a pasarrúas con baile galego e animación da man dos "Trasnos do Apalpador".

O Apalpador e a Apalpadora Xigante son ideais para visitas escolares, animación de rúa, cabalgatas, dinamización comercial ou organización de seráns de Nadal e Cantos de Reis.



Os Elfos de Papá Noël

PASARRÚAS. ANIMACIÓNS. CABALGATAS. VISITAS ESCOLARES.

Os días de Nadal son datas incansables para os elfos de Papá Noël.

Polvorón, Burbulla, Bombilla, Mazapán, Turrón, Bule Bule ou Pinceis andan armando festa cos seus instrumentos e os seus bailes, e chegan a todos os recunchos de Galicia para anunciar a chegada do Nadal.

Pasan polos coles, visitan os bares, as cafeterías e os comercios, súbense ós escenarios e animan a todas e todos coa ilusión e maxia do Nadal.

Como viaxan en trineo e van polo aire dan chegada a todos os recunchos do país! ¿Aínda non os viches?

Os nosos elfos de Papá Noël son bailaríns, animadores/as e ofrecen propostas que van dende as visitas escolares a alegres pasarrúas, acompañados da súa "Caixiña dos Trasnos de Nadal".



Pequeno Circo de Nadal

ESCENARIO. TEATRO. AUDITORIO, CARPA

Un completo espectáculo escénico de variedades protagonizado polos elfos/as de Papá Noel chegados/as directamente dende o Polo Norte e que se artella como un magnífico cabaret de Nadal con contos de nadal, panxoliñas, coreografías, números de malabares, acrobacia, circo e artistas convidados.

Unha proposta pensada para escenario, ben en teatro ou auditorio ou en carpa ou praza. Con unha escenografía que recrea un Circo de Nadal, árbores de Nadal, buzóns, etc... pintura ao vivo da man das nosas artistas plásticas e unha banda sonora que se recrea en temas internacionais como o "Joy to the world", "Let's Snow", "The most wonderful time of the year" ou "It's Christmas" con panxoliñas de carácter máis noso.



Aldea Musical de Nadal

Nova proposta Nadal 2023-2024

PASARRÚAS, ANIMACIÓNS, CABALGATAS, VISITAS ESCOLARES.
ESCENARIO, TEATROS E AUDITORIOS, CARPA.

Este ano a **Compañía Nelson Quinteiro** anda traballando na creación dunha **nova proposta musical** para o Nadal, mediante a creación dunha **nova escenografía** que recrea unha pequena aldea de Nadal, inspirada nas **casañas de xenxibre**. Tamén na creación dun novo vestuario de corte norte-europeo e personaxes que fuxen un pouco da imaxinería de trasnos, duendes ou elfos para seren habitantes musicais dunha aldea do Nadal.

A proposta é un **concerto-contacontos coral polifónico con 7 intérpretes** no que contaremos e cantaremos as **principais panxoliñas do mundo**, contando a historia de cada unha das cantigas e a súa chegada a nós a través da historia. Concebido como unha **sesión musical participativa para nenos/as e público familiar**, non faltará a interacción, a participación mediante pequenos instrumentos Orff, os xogos participativos e os Contos Musicais.

Unha proposta pensada como **instalación ao aire libre** nunha praza ou lugar emblemático ou para dinamizar poboados de Nadal xa existentes ou como espectáculo de seu en carpas, teatros, auditorios ou salóns de actos. Tamén como proposta itinerante na que percorrer comercios, locais de hostelería, prazas de Abastos ou edificios públicos.

HO HO HO



FESTIVAL™

Ho Ho Ho Festival

Nova proposta Nadal 2023-2024

Un completo festival con temática de Nadal para as datas máis doces do ano.

Unha produción completa cun poboado de Nadal, elfos residentes, obradoiros constantes, factor gastronómico, feira e un escenario para as mellores propostas temáticas e toda a nosa artillería pesada: monicreques xigantes, espectáculos, concertos, contacontos, musicais de Nadal, caseta para recibir a Papá Noel...

Deixa todo nas nosas mans para crear unha experiencia global na que todos os teus veciños/as, dende os máis grandes aos máis pequenos participen da maxia do Nadal caracterizándose, participando do espectáculo e festexando destas festas por todo o alto!

vendido!
Celebrase os días
22, 23 e 24 de decembro
nunha vila
das Rías Baixas!

FESTIVAL PEQUENO CIRCO DE NADAL
Concello de Rianxo 2016



Pequeno Cabaret Infantil de Nadal

INSTALACIÓN DE RÚA. ESPAZOS NON CONVENCIONAIS.
ESPECTÁCULO ESCOLAR. POBOADOS DE NADAL.

Un teatriño de Nadal que se instala na túa praza, no teu cole, no teu poboado de Nadal.

Nel atoparás ao elfo "Boliña de Neve" que, por descuido foi abandonado naquel mesmo lugar por descuido do reno Rodolfo.

Como vai moito frío e a espera é longa, propón animar aos presentes saltando, bailando, cantando e contando contos.

Pero os contos do Polo Norte son moi diferentes aos de aquí!

Nos contos dos elfos, todos participamos, interpretamos ás personaxes, cantamos panxoliñas e tamén facemos o parvo!

Finalmente, o Reno Rodolfo fai a súa aparición estelar, pero claro, ata que chegue o Nadal resulta que ten o tamaño dunha pequena pulga. Rodolfo!!!!

¿Montamos un circo de pulgas?

Pequeno Circo de Nadal

FESTIVAL EN CARPA A CELEBRAR EN PRAZAS EMBLEMÁTICAS.
INCLÚE PROGRAMACIÓN COMPLETA, PASARRÚAS, VISITAS
ESCOLARES, ETC...

O Pequeno Circo de Nadal, concebido como unha "experiencia navideña" para toda a familia, xa como festival é unha proposta que temos celebrado con moitísimo éxito dende o Nadal do 2016, primeiro en Rianxo e posteriormente no Concello de Salceda de Caselas, sendo o prato forte dun programa amplo, diverso e pensado para o público infantil e familiar. Pasarrúas, espectáculos infantís e un xeitoso teatriño navideño para albergar espectáculos nunha carpa instalada xeralmente na Praza do Concello



vendido!
Celebrase os días
26, 27 e 28 e 29 de
decembro en Salceda
de Caselas!